



**HORATII TVRSELLINI || ROMANI || E SOCIETATE IESV ||  
LAVRETANAЕ HISTORIAE || LIBRI QVINQVE. ||**

**Torsellini, Orazio**

**Romae, 1597**

Cap. 26. Nauarchus Genuensis dupli naufragio eximitur.

---

[urn:nbn:de:hbz:466:1-64112](#)

hominibus, qui se tum adfuisse dicebant. Gesta res est anno huius seculi LIX. Gasparo Docto Prætore Lauretano, qui tam evidens miraculum in tabulas publicas referri iussit. Sed antiqua simplicitate transacta res est. Nomina puellæ & dominæ (perinde ac si ad fidem miraculo conciliandam nihil admodum pertinerent) omissa; credo quod ab Evangelistis quoque in evidentibus miraculis id factatum viderent. Minus celebre, sed nihilo minus admirabile est, quod de Thoma Parmensi perhibetur. Is ex gravi oculorum morbo haud dubie cæcus, nocte quadam acerbissimo oculorum dolore cruciabatur. Igitur alleuat se super lectum ubi iacebat: positisque genibus, multis cum lacrymis Lauretanæ Virginis implorat auxilium. Precibus adiicit votum, si lumen oculorum recipiat, se Lauretanam Domum aditurum. Exinde recubuit, ingente in B. Virginie spem reponens. Nec sua illum frustrata spes. Mane expperitus somno, matutinam lucem sanis oculis hausit. Extemplo igitur Deiparæ gratias agit, Lauretum proficitur, vota persoluit.

*Nauarchus Genuensis dupli periculo eximitur.*

*Cap. XXV I.*

**E**odem ferme tempore Lauretum aliis venit dupli*Ann. Laur.  
Rietæ.* voti damnatus, duplique miraculo insignis. Paulus Genuensis Nauarchus nobilis fuit. Is è Gallia Narbonensi Genuam repetebat, cum subito fæda exorta tempestas naufragio intentato, iacturam omnium mercium facere eum subegit. Cæterum procella nauim pertinacius urgente, ingens omnium animis terror incessit. Itaque vectoribus nautisque dilabentibus, ut salutem natatu pterent, solus ipse mansit in naui, quam æquè ac se ipsum salvam vellet, fortunarum scilicet suarum caput. Onerariam ergo illam suam plenam fluctibus cernens, effusus in-

V vota,

vota, & sibi, & navi Lauretanam inuocat Virginem. haud frustra. ea inuocatio, & vires illi, & animos addidit. incredibile dictu. ingenti vi moliens velum solus ipse sustollit: ac veluti suas preces auditas esse sentiret, nauigium vndis exhaudire conatur. Inter hæc, tempestate sedata, nauis vento ac B. Maria obsecundante Genuensem tenuit portum, haud minore ipsius admiratione, quam aliorum, qui onerariam ingentem semiplenam fluctibus uno Na- uarcho nautarum omnium munera exsequente, ad portū appulsam videbant. Attamen Paulus voti compos segnior, quam par erat, in voto reddendo fuit, siue aptius subinde tempus expectans, siue alia huic negotio præuer- tenda ratus. Nec mora diu impunita. Vertente anno, eo ipso die (vt tempus beneficij pariter, ac delicti eum admoneret) eadem vectus navi cum paruo filio fecit naufragium. Perculit repente ægrum animum memorie vitati nuper B. Virginis ope periculi, & votiuæ peregrinationis omisssæ. Igitur effuse lacrymans à Deo veniam exorat: ex- pertamque Lauretanæ Virginis sibi, ac filio exposcit opé, veteris voti religionem voto sanciēs nouo. Nec frustratæ sunt eum preces. Filiolum inter vndas queritans saluum reperit: sublatumque in humeros per ingentem agitati maris tractum natans ad terram transiit incolumem, cæteris vectoribus, nautisque inter fluctus hæsitantibus, obrutisque: vt aliorum clades coeleste donum illustrius fa- ceret. Ille igitur, vt attigit littus, non magis sua quam fi- lioli ex præsenti exitio recepti salute latus procumbit in genua: idemque paruum filium facere iubet: & manan- tibus gaudio lacrymis, tendens fupinas in cœlum manus, B. Mariæ secundum Deum gratias agit, quæ votum fru- strata non sit ingrati hominis vota frustrantis. Et quo- niam haud dubie iniecta exsoluendæ religioni mora nouū sibi periculum crearit; nequaquam se commissurum pro- fitetur, vt noua mora obesse in posterum possit. Ergo ve- ritus ne si reuertisset domum, cura aliqua domestica Lau- retanam

retanam moraretur peregrinationem; & simul priorem in reddendo voto negligentiam compensaturus, è vestigio contendit Lauretum, omissa domus, patriæque reuisendæ cura. Ita precario, mendicatoque cibo se paruumque solum sustentans ad Lauretanam peruenit Aedem, insignis non magis recuperata prius naui, quam deinde amisso nauigio, filioque seruato: nec minus exsoluta postea voti religione memorabilis, quam antea neglecta.

*Iuuenis innocens carcere, alter bis suspensus  
exitio, ac suppicio liberatur.*

Cap. XXXII.

**H**AUD minus in supplicijs, quam in fluctibus propulsandis Lauretana Virgo admirabilis per idem tempus fuit. Augustinus à Rocca Valdonia ( oppidum est distinctionis Senensis ) falso crimine postulatus vinculis tenebatur. Ibi cum innocens multos iam dies torqueretur, Lauretanā Virginē, cui mirifice addictus erat, implorat. Nec irritare preces nocte intē pesta excitus somno manicas ferreas, quibus vincitus erat, sua spōte elapsas videt ē manibus. Protinus B. Maria consiliū, viresq. ad fugā suppeditāte, carceris parietē subruere aggressus clementa quædā reuellit manu, ita patefacta fenestra, quæ illi effugium dedit. Cæterū duo restabant ostia, quæ obstarēt fugæ: hæc sorte quadā diuinis aperta, & incustodita reperit. Ergo euadit in tutum, B. Mariæ munere non effugium solum nactus, sed etiam persugium. Hic imminenti, alter iam urgenti suppicio exemplus. Franciscus erat quidam Ferrarensis, homo rusticanus, sed pius. Is anno seculi huius LVI. Picenum peragrans in Ducis Guisij, qui pro Paulo Quarto aduersus Philippum Regem Hispaniæ bellum gerebat, copias incidit, a quibus de ratione itineris sui interrogatus, ac liberaliter habitus cum litteris Galli Ducis ad Pontificij exercitus Praefectum in thoracem insutis, certisque notis de

Trad. Laur.  
Ann. Laur.  
Riere.

V 2 quibus